

慈在田卷

生保赤全

編二番



同治六年則古
咎齋校正重刊

板存常州城
內北岸汪宅



南京中醫藥大學圖書館版權所有

保赤全編總目

福幼編一卷

遂生編一卷

附

廣生編一卷

種痘簡易良方



福幼編序

世之醫者委云小兒無補法只此一語禍延靡極夫小兒臟腑柔嫩經脉未充易於受邪偶遇身熱惡食稍爲和解足矣乃醫者每以不消不補輕淺之劑愈則可以居功未愈亦可以免謗殊不知風藥多則陰血受傷而多汗亡陽氣亦隨耗再用苦寒傷胃俾陽明無司運之權而失傳送之度以未充之經脉柔嫩之臟腑受此無窮之消伐慢驚之所由致端在是也當此之際尙不亟思補偏救弊之法猶謂邪未盡而熱未除必迫之萬無可生之路而後已殺人毒手未有慘於此者夫慢驚乃

虛寒之故亦有無所因而內發者此根於稟賦本虛陰
陽失互相生長之機漸形歇絕之狀惟審其偏勝力爲
補救庶幾十得一二耳若猶以外因治之縱使稍爲和
解殺之亦至捷也今讀毘陵莊在田先生福幼編其言
慢驚致病之由則究本窮源治法則絲絲入扣立方則
審其陰陽之辨而直中其欸竅古有活人書此其是矣
因亟付之梓人廣行於世俾醫者覺迷途於未晚而世
間赤子全活者奚數萬萬而已哉乾隆丁酉季夏知甘
肅蘭州府事年姻家眷弟慕豫生拜譔

序

人無誤生之病而有誤人之醫醫無誤人之心而有誤人之技良由未得其法耳乾隆乙巳年余權牧荆門出陵莊君亦暫權少府見其辦事精詳不知更爲醫中聖手也適僕者患發背腰疽兩處堅腫形如覆碗勢甚危篤醫者以爲七惡俱備此僕亦自分必死莊公笑曰是症何難且可計日愈不用刀針不加敷藥煎藥六劑兩毒如失又署中老嫗向患瘰癧今患對口醫辭不治莊君爲之開方旬日間對口全消瘰癧亦愈先後數人歷試不爽凡痘毒等症無不應手而痊因問其故乃知莊

君昔曾患病日久不愈遍訪名師兼以身試十餘年來
甫能就痊蓋真得岐黃真諦丙午春余孫康寧甫二歲
病後慢驚諸醫束手余亦以爲此自古不治之症急延
莊公視之用溫補藥一劑驚止二劑全愈余莫之解數
月後詢其故莊君乃出示所著福幼編所開卽編內方
也刊行已久亟爲捐俸重刊得此書者儻以爲寧從其
同不從其獨疑而不用是真樂死惡生予無如之何矣
乾隆五十一年丙午八月湖北襄陽府通判寅愚弟高
舉拜撰

范文正云不爲良相卽爲良醫良相和陰陽造民命久
之生死係焉良醫之用心猶是豈可以小道視之乎嘉
慶己卯夏兒子養田忽患慢驚醫者謂抱龍丸可愈以
一丸進而疾轉危時粵西鄧環五先生權篆延川出慈
幼編見示曰此武進莊在田先生所著治驚最能奏效
書中所載抱龍丸與慢驚之症大相左乃依其方投以
辛熱之藥一劑而愈亦以爲偶然耳道光元年秋養田
又感寒疾吐洩越三月兩目瞠然前陰已縮萬無生理
因憶先生編中加味理中地黃湯凡小兒精神已虧氣
血大敗形狀狼狽瘦弱至極者此方可治因如法濃煎

頻頻灌之初則氣若游絲一劑而啼再劑而有生色至
三劑則呱呱索乳矣調攝旬餘居然壯實此與返魂香
何異何其術之神也聞先生曾牧民於江漢使登廊廟
則其懷保斯民者與良相何異余佩先生之德因名養
田曰莊生誌不忘也恐窮鄉僻壤未能共睹是編故鐫
諸梨棗以廣其傳並記其神驗如此

道光二年壬午仲夏武陵葉樹頓首拜

小兒慢驚自古以爲難治得是證者其家大約置之不理坐以待斃余家子姪以此證殤者不少今年夏幼子河徵年未及晬因出痘後獲髮太早感冒發熱延數醫診治均投以清涼之品服之逾旬熱甚病劇遂成慢驚始則寒熱往來輾轉床蓐左右翻騰兩手撮空不哭不食繼則眼閉身冷顙門下陷奄奄一息喉間痰涎纏結咯咯作響時或手足抽掣角弓反張針灸並施衆醫束手家人將待其僵以置諸木先數日余得是編屢商諸醫均謂無此治法余以兒旣垂斃服溫劑危服涼劑亦危遂私用附子五分雜羣藥灌之踰時痰少活因以溫

補連日並進竟獲痊愈始嘆此編發前人未發之奇救
人世不救之病所當家置一卷而臨證切勿稍有遲疑
也
咸豐十年孟秋月督河使者黃贊湯識

此編與前編長命懸門不謂亦有一息之期間忽感
我眼疾熾發來轉轉求醫不效手書空不哭不
得此書以讀之品服之飯時熾發熱退風動
兩手未及細因出試效太早覺發熱熾發
暫坐以待饑余寒于試以九箇藥膏不少今手更
小兒對爐自古以爲難治其膏其寒大條置之不



福幼編

凡例

一此編專以溫補見長凡小兒既成慢驚必於後開條
目內有數處相合者即放心照方服藥勿謂此書與
古方清熱散風之藥不同仍泥用古方以自悞也

一此編凡鹿茸人參等貴重難覓之藥悉不開入恐窮
鄉僻壤及無力之家不能購覓雖有對症良方亦束手
無策也

一此編內之藥隨處皆有無論貧富貴賤皆力所易爲
但必須另包過戥如法炮製方可取效

一近代所賣之抱龍牛黃等丸皆清熱化痰之藥急驚最爲對症若慢驚之甚者下喉卽死

一急驚與慢驚全屬相反急驚之症小兒氣體壯實前數日發燒今口鼻中氣熱大便結小便臊忽而驚風大作喉中多有熱痰用抱龍牛黃等丸下喉卽醒再用清熱消導之藥一劑而安本欲附方於此恐治慢驚者先用治急驚之方則爲害非小是以姑述其由而方不敘入慢驚總是病後氣血不足虛極生風非脾腎雙補薑桂同進如何能愈

一薑桂附子乃編內藥方中之用神減去則無效肉桂

好者難得薄桂濶桂但有油者皆可用之所以本草
備要云肉桂有油者俱佳無所分別也

一慢驚之輕者理中地黃湯內多用薑桂亦可治愈若
虛寒至極者非用附子不可但附子性熱人多畏之
本草附子下亦註明治慢驚字樣可見溫補二字委
係治慢驚秘訣無所疑也

一此編新立二方以治慢驚明言慢驚屬虛寒溫補卽
所以治慢驚急驚屬實熱清熱卽所以治急驚二症
有寒熱之殊用藥有雲泥之異古人每以一方治二
病未究其致病之根源深不可信也

一近代醫家皆云慢驚一症先須驅風化痰鎮驚往往用金銀器物煑水仍煎發散消導之藥愈治愈危未聞治愈一人良可嘆也

一海內醫書未可枚舉諸子雖各執一見議論紛紜然失之於此者仍得之於彼惟慢驚一症自古及今相承錯謬殊堪扼腕是以此編特辯慢驚一症與各書不同節次試驗有效深信不疑也

二此編乃獨得之奇實發古人不傳之秘凡小兒久病不愈諸病之後均能轉爲慢驚真得之最易而醫之最難世之人但知清熱散風不知溫補氣血間有一

二高明者見及慢驚是虛寒症欲開溫補之方又因不合古書恐招訕謗是以慢驚竟爲幼科第一危險之症此編業於姑蘇中州安徽直隸等處付梓矣倘仁人君子念及小兒患此症者待命殷諄翻刻廣傳已屬善舉若於鄉試小試年龍門貢院前分送尤覺易於普遍

一凡爲善濟人及有一切陰騭者子孫當得福報若將此書翻刻廣傳使天下後世活人無窮又似非尋常陰騭可比其翻刻爲善者之子孫更不知當如何昌盛或亦陰功之一助爲善君子未知以爲然否

益大亦創也之一也然皆擇于未映以爲然否
無謂其其雖險爲善者女子冠更不使當吸
則善雖險則對天下不發世故人無讓又非
其爲善者人又有一田劉鬻者子社當野誦時
長公善識者之入被相慢驚一症自古及今
出處皆舉若公喉痛小痛平前門真劉而公安伏
其入者于念又小良患此症者亦命與言雖多則
之與此雖業故藉中限定雖前膝等事亦未及論
不合皆書其症其以對驚者爲此不策一試也
二篇便皆良父對驚其狀甚壯始開點睛之穴及四

